



# XLASR

ЎЗБЕКИСТОН  
ИЖТИМОИЙ-СИЙOSIY  
GAZETA

Газета 2004 йил 1 январдан  
чидра бошлаган

TADBIRKORLAR VA  
ISHBILARMONLAR HARAKATI  
— O'ZBEKISTON LIBERAL-  
DEMOKRATIK PARTIYASI  
NASHRI



ШУ КУНГАЧА ПАРЛАМЕНТ  
ТОМОНИДАН ИНСОН  
ҲУҚУҚЛАРИГА ОИД 60 ДАН  
ЗИЁД ХАЛҚАРО ВА БМТНИНГ  
ИНСОН ҲУҚУҚЛАРИ  
МАСАЛАСИДАГИ 6 ТА ҲУҲЖАТИ  
РАТИФИКАЦИЯ ҚИЛИНДИ



АЖРАТИЛГАН КРЕДИТЛАРНИНГ  
20,2 ФОИЗИ САНОАТ, 16,5 ФОИЗИ  
ҚИШЛОҚ ХЎЖАЛИГИ, 26,2 ФОИЗИ  
ҚУРИЛИШ ВА МАИШИЙ ХИЗМАТ  
КЎРСАТИШГА, 6,7 ФОИЗИ ЭСА  
КИЧИК БИЗНЕС СУБЪЕКТЛАРИ  
ҲИССАСИГА ТЎҒРИ КЕЛАДИ



XXI АСР МАТБУОТИ 2025 ЙИЛГА  
БОРИБ АҲОЛИНИНГ УЧДАН ИККИ  
ҚИСМИ СУВ ЕТИШМОВЧИЛИГИДАН  
АЗИЯТ ЧЕКШИ МУМКИНЛИГИ  
ҲАҚИДАГИ БАШОРАТЛАРНИ ЭЪЛОН  
ҚИЛИШДА ДАВОМ ЭТМОҚДА

2011 йил 5 май, пайшанба  
18 (390)-сон,  
E-mail: axborot@xlasr@yahoo.com

3 КОНЦЕНЦИЯ

6 ИҚТИСОДИЁТ

7 ХАЛҚАРО  
ХАЁТ

БУЮК ВА МУҚАДДАССАН,  
МУСТАҚИЛ ВАТАН!

## Демократия дарсхонаси

2011 ЙИЛНИНГ МАЙ-ИЮНЬ ОЙЛАРИДА  
ЖАМИЯТИМИЗ ҲАЁТИДАГИ ЭНГ МУҲИМ  
ИЖТИМОИЙ ЖАРАЁНЛАРДАН БИРИ —  
МАҲАЛЛА ФУҚАРОЛАР ЙИГИНИ РАИСИ  
(ОҚСОҚОЛИ) ВА УНИНГ МАСЛАҲАТЧИЛАРИ  
САЙЛОВИ БЎЛИБ ЎТАДИ

Инсоният онгли ҳаёт кечири бошлаган даврлардаёқ юзага келган, эндиликда расмий тилда фуқароларнинг ўзини ўзи бошқариш органлари, деб аталмиш институт ҳақиқатан ҳам бугунги кунга келиб жамият ва давлатнинг энг муҳим пойдеворларидан бирига айланган. Бошқарувнинг бундай усули юртимизда узоқ тарихга эга бўлса-да, бироқ у мустақилликка эришганимиздан кейингина ижтимоий-ҳуқуқий мақомини олди. Истиқлол шарофати билан давлатчилигимиз тарихида биринчи бор «маҳалла» тушунчаси Конституциямизга киритилди. Асосий Қомусимизнинг 105-моддасида илк мартаба унинг ҳуқуқий мақоми баён этилиб, фуқароларнинг ўзини ўзи бошқариш органлари тизимининг ҳуқуқий асослари яратилди.

Шу ўринда алоҳида таъкид-

лаш зарурки, «Фуқароларнинг ўзини ўзи бошқариш органлари тўғрисида»ги Ўзбекистон Республикаси қонуни қабул қилингани ва дунёда илк бор юртимизда «Маҳалла» хайрия жамғармаси ташкил этилгани ҳам истиқлол шарофатидир. Фуқароларнинг ўзини ўзи бошқариш органлари давлат сиёсатининг энг муҳим йўналишларидан бири сифатида эътибор қаратилаётгани бежиз эмас, албатта. Чунки жамиятиимиз тараққиётида аҳолининг кенг қатламларини ўзида жамлаган маҳаллалар иштироки ниҳоятда муҳимдир. Беvosита Юртбошимиз томонидан ишлаб чиқилган ва айна пайтда изчил амал қилинаётган «Кучли давлатдан — кучли фуқаролик жамияти сари» тамойили ҳам айнан стратегик ислохотлар асосига қурилгандир.

2 >>>

## Истиқлол берган имкониятлар

ЭРТАНГИ КУНИ, КЕЛАЖАК ЭГАЛАРИ  
ТАҚДИРИДАН КЎНГЛИ ТЎҚ ЎЗБЕКИСТОН  
БУГУН ЎЗИНИНГ 20 ЙИЛЛИК ТЎЙИГА  
ҲОЗИРЛИК КЎРАЁТИР. ТИНЧЛИК ВА  
БАРҚАРОРЛИК ҲУҚМ СУРАЁТГАН ЮРТНИНГ  
ЭСА ҲАР БИР КУНИ ТАРОВАТЛИ БЎЛАДИ

Ҳар қандай мамлакат тараққиёти ва дунёдаги обрў-эътибори, аввало, шу юрtdа қарор топган тинчлик-осойишталикка, шу ерда яшовчи миллат ва элатларнинг тотувлигига боғлиқ, албатта. Зеро, осуда осмон, тинчлиги бор давлатгина тараққиётта эришади.

Қарий йигирма йиллик мустақил тараққиётимиз даврида Ўзбекистонда ялпи ички маҳсулотнинг ўсиши 3,5 баробарни, аҳоли жон бошига ҳисоблаганда эса 2,5 баробарни, аҳолининг реал даромадлари 3,8 баробарни ташкил этгани ҳам айнан тинчлик ва барқарорликдандир.

Табиат инжиқликларига қарамай, миришкорларимиз,

фермерларимиз саъй-ҳаракати билан ҳар йили пахта ва ғалладан юксак хирмон уюлмоқда. Мева, сабзавот ва полиза маҳсулотларини экспорт қилаётганимиз ҳам тўқинлик ифодасидир. 2010 йилда қишлоқ хўжалиги маҳсулотларини ишлаб чиқариш 2000 йилга нисбатан 1,8 баробар ортгани ҳам шундан далолатдир.

Тадбиркорлик тараққиётда давлат сиёсати даражасида эътибор қаратилаётгани учун 2010 йилнинг ўзидagina кичик бизнес субъектларига ажратилган кредитлар ҳажми 1,4 баробар кўпайиб, 2 триллион 700 миллиард сўмни ташкил этди.

2 >>>



## Ислохотлар самараси учун масъулмиз

ЕР ТАБИЙИЙ РЕСУРСЛАР ИЧИДА ЎЗИГА ХОС ҲУҚУҚИЙ МАҚОМГА ЭГА БЎЛИБ,  
УНДАН ОҚИЛОНА, ИЛМИЙ АСОСЛАНГАН ТАРЗДА ФОЙДАЛАНИШ МУҲИМ  
АҲАМИЯТГА ЭГА. ЗЕРО, ИНСОНЯТНИНГ ОЗИҚ-ОВҚАТ ВА ИСТЕМОЛ  
ТОВАРЛАРИГА БЎЛГАН ЭҲТИЁЖИНИ ТЎЛА-ТЎКИС КОНДИРИШ БЕВОСИТА АНА ШУ  
НЕЪМАТНИНГ АЛОҲИДА МУҲОФАЗАСИГА БОҒЛИҚДИР

Олий Мажлис Қонунчилик палатасининг Аграр ва сув хўжалиги масалалари қўмитаси томонидан ташкил этилган наватдаги семинар ҳам «Ердан оқилон фойдаланиш ҳамда туПРОҚ унумдорлигини оширишнинг

ҳуқуқий асосларини янада талқинлаштириш» мавзусига бағишланди.

Мутахассислар маълумотларига кўра, айни кунда республика бўйича, корхона, ташкилот, муассаса, фермер хўжалиги ва фуқаролар ихтиё-

ридаги жами ерлар 44 млн. 410 минг гектарни, шундан сугориладиган ерлар 4 млн. 313 минг гектарни ёки умумий ер майдонининг 9,7 фоизини ташкил этади. Айни пайтда мутахассислар ана шу ерларнинг қарий ярми турли даражада

шўрланганини таъкидламоқдалар. Шунинг учун ҳам анжуманда бугун ер ҳосилдорлигини ошириш соҳа вакиллари олдида турган энг долзарб вакифалардан бири экани алоҳида қайд этилди.

2 >>>

9 МАЙ — ХОТИРА ВА КАДРЛАШ КУНИ

## Нуронийлар ҳамиша эъзозда

УМУМХАЛҚ БАЙРАМИМИЗ — ХОТИРА ВА КАДРЛАШ КУНИ МУНОСАБАТИ БИЛАН СУРҲОНДАРЁ ВИЛОЯТИДАГИ ТАЪЛИМ МУАССАСАЛАРИ, МАҲАЛЛАЛАР, КОРХОНА ВА ТАШКИЛОТЛАРДА УРУШ ВА МЕҲНАТ ФАҲРИЙЛАРИ ИШТИРОКИДА УЧРАШУВЛАР, ДАВРА СУҲБАТЛАРИ ҲАМДА ТУРЛИ МАДАНИЙ-МАЪРИФИЙ ТАДБИРЛАР ЎТКАЗИЛМОҚДА. УЛАРДА НУРОНИЙЛАРИМИЗГА ИЗЗАТ-ИКРОМ КЎРСАТИЛИБ, ЮРТИМИЗ ТИНЧЛИГИ ЙЎЛИДА ЖОН ФИДО ҚИЛГАН ЮРТДОШЛАРИМИЗГА ХОТИРАСИ ЁДГА ОЛИНМОҚДА

Холмўмин  
МАМАТРАИМОВ,  
Уза

Вилоятда истиқомат қилган 525 нафар Иккинчи жаҳон уруши қатнашчиси ва ногиронлари давлатимизнинг доимий эътибори ва ғамхўрлигини ҳис этиб яшамоқда. Президентимиз Ислом Каримовнинг шу йил 22 апрелда қабул қилинган фармонида мувофиқ Хотира ва кадрлаш куни муносабати билан Иккинчи жаҳон уруши қатнашчилари ва ногиронларининг пул мукофотлари билан тақдирланиши уларнинг кўнглини янада кўтарди.

— Мамлакатимизда Иккинчи жаҳон уруши қатнашчиларини ижтимоий ҳимоя қилиш, моддий ва маънавий рағбатлантириш тизими яратилгани уларга кўрсатилаётган чексиз ҳурматнинг ҳаётдаги

амалий тасдиғидир, — дейди «Нуроний» жамғармаси вилоят бўлими раиси ўринбосари Раим Қулманов. — Юртбошимизнинг 9 май — Хотира ва кадрлаш куни муносабати билан эълон қилинган фармони уларга кўрсатилаётган эҳтирмининг яна бир ёрқин намунасидир.

Вилоятда кекса авлод вакиллари ҳамиша эътибор ва эъзозда. Таълим муассасаларида ташкил этилган ердан гуруҳлари уларнинг ҳолидан хабар олиб, уй қомушларига яқиндан қўмақлашмоқда. Нуронийларимиз доқимликлар, «Маҳалла», «Нуроний» жамғармалари, «Қамолот» ёшлар ижтимоий ҳаракати, турли ҳомий ташкилотлар томонидан моддий-маънавий рағбатлантирилиб, байрамлар арафасида совға-саломлар билан йўқланмоқда. Улар учун Тошкент, Самарқанд, Бухоро, Хива каби юртимизнинг тарихий шаҳарларига саёҳатлар ташкил этилаётир. Уруш фахрийлари ва ногиронларининг шифо маскан-



Суратда: Иккинчи жаҳон уруши қатнашчиси Соҳиб Рўзиев ёшлар даврасида.

ларида соғлиқларини тиклашлари, юртимиздаги санаторийларда беҳул дам олишлари учун

шарт-шароитлар яратилмоқда. Халқимизга хос меҳр-муруват, хайр-саховатта йўғрилган бундай

тадбирлар айни кунларда вилоятнинг барча жойларида ўзгача руҳда давом этмоқда.

**TURON BANK**  
Эффективний рост ваших капиталов

ЎЗБЕКИСТОН РЕСПУБЛИКАСИ МАРКАЗИЙ БАНКИ 2011 ЙИЛ 3 МАЙДАН БОШЛАБ  
ВАЛЮТА ОПЕРАЦИЯЛАРИ БЎЙИЧА БУХАЛТЕРИЯ ҲИСОБИ,  
статистик ва бошқа ҳисоботларни юритиш, шунингдек, божхона ва бошқа мажбурий тўловлар учун хоржий валюталарнинг сўмга нисбатан қуйидаги қийматини белгилади:

1 Австралия доллари	↑ 1853,43	1 АҚШ доллари	↑ 1694,80	1 Хитой юани	↑ 261,16	1 Туркия лираси	↑ 1113,46	1 Япония иенаси	↑ 208,05
1 Англия фунт стерлинги	↑ 2825,57	1 Миср фунти	↑ 285,08	1 Малайзия рингити	↑ 572,37	1 Швейцария франки	↑ 1952,76	1 Россия рубли	↑ 61,62
1 Дания кронаси	↑ 336,32	1 Исландия кронаси	↑ 15,29	1 Польша злотийси	↑ 636,78	1 ЕВРО	↑ 2490,30	1 Украина гривнаси	↑ 212,77
1 БАА дирҳами	↑ 461,46	1 Канада доллари	↑ 1787,76	1 СДР	↑ 2747,46	1 Жанубий Корея вон	↑ 15,88		









# БАНК ТИЗИМИ

# Мижоз банк учун эмас, банк миждоз учун

18 (390)-СОҲ

2011 йил 5 май,  
пайшанба

e-mail:  
axborotXXI@yandex.ru



## Молиявий барқарорликдан — иқтисодий тараққиётга

**КАШҚАДАРЁ ВИЛОЯТИДА «КИЧИК БИЗНЕС ВА ХУСУСИЙ ТАДБИРКОРЛИК ЙИЛИ» ДАВЛАТ ДАСТУРИНИНГ ИЖРОСИ ЮЗАСИДАН 2011 ЙИЛ 1-ЧОРАГИДА ТАДБИРКОРЛИК СУБЪЕКТЛАРИНИ КРЕДИТЛАШ БЎЙИЧА БЕЛГИЛАНГАН ПРОГНОЗ КЎРСАТКИЧЛАРИ 133 ФОИЗГА БАЖАРИЛДИ. АЖРАТИЛГАН САРМОЯЛАРНИНГ 20,2 ФОИЗИ САНОАТ, 16,5 ФОИЗИ ҚИШЛОҚ ХЎЖАЛИГИ, 26,2 ФОИЗИ ҚУРИЛИШ ВА МАИШИЙ ХИЗМАТ КЎРСАТИШ, 6,7 ФОИЗИ БОШҚА СОҲАЛАРДА ФАОЛИЯТ КЎРСАТАЁТГАН КИЧИК БИЗНЕС ҲАМДА ТАДБИРКОРЛИК СУБЪЕКТЛАРИ ҲИССАСИГА ТЎҒРИ КЕЛАДИ. 30,4 ФОИЗ МАБЛАҒ ЭСА АЙЛАНМА КАПИТАЛНИ ШАКЛЛАНТИРИШ УЧУН ЙЎНАЛТИРИЛДИ**

Носир **ТОШЕВ**,  
«XXI ASR»

Мамлакатимизда демократик бозор муносабатларини чуқурлаштиришдан кўзда тутилган мақсад иқтисодий либераллаштириш, кичик бизнес ва хусусий тадбиркорликни жадал ривожлантириш, маҳсулот ҳамда хизматлар сифатини яхшилаш ҳисобига аҳоли турмуш фаровонлигини янада оширишдан иборатдир. Зеро, сувиз ерда экин усмаганидек, замонавий бозор шароитида ҳам маблағсиз бирон натижага эришиб бўлмаслиги ўз-ўзидан маълум, албатта.

Қашқадарё вилояти банклари ана шу мезондан келиб чиқиб, хизмат сифати ва маданиятини оширишга, истиқболли лойиҳаларни ўз вақтида молиялаштиришга ҳаракат қилмоқда. Миждозлар сони кундан-кунга ортиб бораётгани эса вилоятдаги банкларнинг миждоз манфаатларига бирлаштирилган эътибор қаратаётгани билан боғлиқдир. Шу ўринда пул-кредит муносабатларини йўлга қўйишда «Ўзбекистон Республикаси Марказий банки тўғрисида», «Банклар ва банк фаолияти тўғрисида», «Кредит уюшмалари тўғрисида», «Ипотека тўғрисида», «Истеъмол кредити тўғрисида», «Микромолиялаш тўғрисида», «Микрокредит ташкилотлари тўғрисида»-ги бир қатор қонунлар ҳуқуқий асос бўлиб хизмат қилаётганини таъкидлаш жоиз. Улар ижросини таъминлаш эса соҳа ходимларидан алоҳида масъулият талаб этади, албатта. Шундай экан, иқтисодийнинг реал секторини молиявий қўллаб-қувватлаш орқали худудда ишлаб чиқаришни ривожлантириш, аҳоли бандлиги ва маҳсулот мўл-қўлигини таъминлаш учун барча имкониятлардан фойдаланиш лозим. Хусусан, соҳада зарур молиявий захира, имтиёз ва преференциялар яратиб мамлакатимизда хусусий мулкчиликни ривожлантиришнинг асосига айланапти. Қашқадарё мисолида оқибатдан бўлса, 2010 йилда янги худудий маҳсулотга нисбатан кичик бизнес ва хусусий тадбиркорлик улуши 54,5 фоизни ташкил этган. Жорий йилда бу кўрсаткич 57 фоизга

етказиш кўзда тутилмоқда.

Президентимиз қарори билан тасдиқланган «Кичик бизнес ва хусусий тадбиркорлик йили» Давлат дастурида белгиланганидек, айти кунда асосий эътибор тадбиркорлик субъектларини ҳар томонлама молиявий қўллаб-қувватлаш, энг аввало, улар учун бошланғич капитални шакллантириш, ишлаб чиқаришни модернизациялаш ва технологик янгилаш билан боғлиқ лойиҳаларга узоқ муддатли кредитлар ҳажмини ошириш, кредит ажратиш механизмларини янада такомиллаштиришга қаратилиши лозим. 2011 йилнинг дастлабки чораги давомида вилоятдаги кредит ташкилотлари томонидан иқтисодий турли соҳаларга жами 163,6 млрд. сўм сармоя йўналтирилган.

Кейинги йилларда вилоятда аёллар тадбиркорлигини ривожлантириш, шахсий ёрдамчи ва деҳқон хўжалиқларини молиявий қўллаб-қувватлашга ҳам катта аҳамият берилмоқда. Дастлабки чоранинг ўзида ана шу мақсадлар учун 4,6 млрд. сўм миқдоридаги кредитлар ажратилгани бунга мисол бўлиши мумкин. Озиқ-овқат ва ноозиқ-овқат маҳсулотлари ишлаб чиқаришни кенгайтириш учун эса тижорат банклари томонидан жами 14,1 млрд. сўм сармоя йўналтирилди.

Бозор талабларидан келиб чиқиб, шаҳар ва туманларда кўпгина хайрли ишлар амалга оширилмоқда. Жумладан, паррандачиликни ривожлантириш учун 2,5 млрд. сўм, иссиқхоналар ташкил этиш учун 694,0 млн. сўм кредит ажратилди.

— Кейинги йилларда вилоятимизда кичик бизнес ва хусусий тадбиркорлик субъектларини ривожлантириш, уларнинг фаолиятини молиявий қўллаб-қувватлашга ҳар қачонидан катта эътибор қаратилмоқда, — дейди «Оқсарой» масъулияти чекланган жамияти раҳбари Нуралӣ БАРАТОВ. — Бунинг самараси ўларок, ишлаб чиқариш миқдоси кенгайиб, турмуш фаровонлигини оширишда юқори натижаларга эришляпти. Ҳаракатда — баракат, дейдилар. Зеро, ислохотларнинг ҳозирги босқичи ҳар биримиздан алоҳида масъулият ва фаолликни талаб этмоқда.



Мен бу гапларни бекорга таъкидлаётганим йўқ. Ҳозирги кунда иқтисодий соҳадаги ислохотларни чуқурлаштириш, маҳсулот мўл-қўлигини таъминлаш учун барча ички имкониятлардан фойдаланиш талаб этилади. Жамиятимиз этги хазинанинг бири — паррандачиликка ихтисослашган бўлиб, тухум ва парҳез гўшт этиштиришни кўпайтириш, эл-юрт маъмуричилигига муносиб ҳисса қўшиш бирдан-бир мақсадимиздир. Бу борада вилоятдаги банк муассасаларининг йил-йили қўллаб-қувватлаш кўрсаткичи ошаётганини алоҳида таъкидлаш лозим. Бу борада давлатимиз раҳбарининг «Ёш оилаларини моддий ва маънавий қўллаб-қувватлашга доир қўшимча чора-тадбирлар тўғрисида»-ги Фармони соҳа ходимлари учун асосий дастуриламал бўлиб хизмат қилаётир. Жойларда касаначиликни ривожлантириш ҳисобига навиқрон авлод вакиллари билан меҳнат билан бандли-

пеш етказиб берилмоқда. Энг муҳими, банк кредити ҳисобига моддий манфаатдорлик анча ошди, қўшимча иш ўринлари яратилди. Келгусида молиявий ҳамкорликни янада кенгайтиришни кўзда тутаялмиз. Бунинг учун барча асослар бор, албатта.

Ёшлар, хусусан, таълим муассасаларини битирувчи йил-йил кизларни иш билан таъминлаш, уларни тадбиркорлик фаолиятига кенг жалб этиш ҳамда молиявий жиҳатдан қўллаб-қувватлаш кун тартибидан турган муҳим масалалардан биридир. Хусусан, ёш оилаларнинг маланий-манший шароити ҳақида алоҳида таъкидлаш лозим. Бу борада давлатимиз раҳбарининг «Ёш оилаларини моддий ва маънавий қўллаб-қувватлашга доир қўшимча чора-тадбирлар тўғрисида»-ги Фармони соҳа ходимлари учун асосий дастуриламал бўлиб хизмат қилаётир. Жойларда касаначиликни ривожлантириш ҳисобига навиқрон авлод вакиллари билан меҳнат билан бандли-

ғини таъминлаш, ёш оилаларнинг барқарор даромад манбаларини шакллантириш чоралари кўриляпти. Йилнинг ўтган уч ойи мобайнида ёш оилаларга 3,1 млрд. сўм кредит маблағлари йўналтирилди.

Таъкидлаш жоизки, вилоятнинг аграр тизимида амалга ошириляётган кенг қўламли ислохотлар бутунга келиб ўзининг ижобий самараларини бермоқда. Деҳқончилик ва орвачилик маҳсулотлари этиштиришда йил сайин яхши натижаларга эришляпти. Айти кунда вилоятда 7139 та деҳқон ва фермер хўжалиқлари фаолият кўрсатмоқда. Шундан 5266 таси бевосита пахтачилик ҳамда галлачиликка ихтисослашган бўлиб, улар банкларнинг молиявий ёрдамидан баҳраманд. Деҳқончилик соҳасидаги муҳим агротехник тадбирларни техника воситаларини тасаввур этиш қийин, албатта. Шунинг ҳисобига олиб, қишлоқ хўжалик корхоналарининг кундалик талаб-эҳтиёжларини қондириш учун барча молиявий имкониятлардан фойдаланишга ҳаракат қилинапти. Ўтган давр мобайнида тижорат банклари томонидан ажратилган 52,8 млрд. сўм миқдоридagi кредит эвазига вилоят турли рўсулдаги 1042 та қишлоқ хўжалик техникалари, жумладан, 350 та ҳайдов ва 403 та чопиқ тракторлари, 16 та пахта териш машинаси, 105 та юқори унумли галла ўриш комбайнлари, шунингдек, 170 га яқин бошқа турдаги техника воситалари олиб келинди.

Айти кунда вилоятдаги хўжалик юритувчи субъектлар, кичик бизнес ва хусусий тадбиркорлик корхоналари банкларнинг инновацион хизматларидан тўла баҳраманд. Миждозларнинг молиявий эҳтиёжларини ўз вақтида қондириш учун тижорат банклари бўлимларида нақд пул захиралари яратилган бўлиб, бу улар учун катта қулайлик туғдирмоқда. Янги нақд пул таъминотида узлишга йўл қўйилаётгани йўқ.

Вилоят ҳокимлиги, Марказий банк вилоят Бош бошқармаси, тижорат банклари ва коммунал хизмат кўрсатиш корхоналари билан ҳамкор-

**Ўтган давр мобайнида тижорат банклари томонидан ажратилган 52,8 млрд. сўм миқдоридagi кредит эвазига вилоятга турли рўсуддаги 1042 та қишлоқ хўжалик техникалари, жумладан, 350 та ҳайдов ва 403 та чопиқ тракторлари, 16 та пахта териш машинаси, 105 та юқори унумли галла ўриш комбайнлари, шунингдек, 170 га яқин бошқа турдаги техника воситалари олиб келинди.**



## Замонавий хизматлар кўрғазмаси

Ўзбекистон Бадий академиясининг марказий кўрғазмалар залида Олий Мажлис Қонунчилик палатасининг Бюджет ва иқтисодий ислохотлар ҳамда Ахборот ва коммуникация технологиялари масалалари қўмиталари, Банклар ва Ахборот технологиялари ассоциациялари, шунингдек, Марказий Осиёда микромолиялаш қўллаб-қувватлаш минтақавий дастури кўмағида республика Марказий банки томонидан «BankExpo-2011» миқдорий кўрғазмаси ташкил этилди. Мамлакатимиздаги барча тижорат банклари, Ўзбекистон Лизинг берувчилар ассоциацияси, шунингдек, микромолиялаш ва нобанк-молия секторининг етакчи ташкилотлари қатнашган ушбу тадбирда кейинги йилларда соҳада жорий этилган янги, замонавий технологиялар ва хизматлар, жумладан, интернет-банкнинг, мобил ускуналар, пул ўтказиш видеокузатув тизимлари, хавфсизликни таъминлаш воситалари тўғрисидаги маълумотлар кенг омма эътиборига ҳавола қилинди. Икки кун давом этган кўрғазмада кичик бизнес ва хусусий тадбиркорлик субъектларига кредит бериш механизмининг янада такомиллаштириш, улар ҳажмини ошириш ва миждозлар учун янги хизматларни жорий этиш масалаларига алоҳида уруғ берилганини таъкидлаш жоиз.

«Микрокредитбанк» бўлими бошлиғи Азиз Қасқовнинг таъкидлашича, жорий йилда миждозларга, хусусан, тадбиркорлар, кичик бизнес вакилларига энгилликлар яратиш мақсадида скоринг-таҳлил услуби жорий этилиб, унга қўра тушган таклиф тезлик билан ўрганиб чиқилди ва талаб ўз вақтида қондирилади. Янги ортиқча қозғобозлик ва оворагарчиликларга ҳолат қўймайди. Шунингдек, кўрғазма доирасида молия-иқтисод, банк-кредит тизими мутахассислари учун «Мутахассис карьераси кўни» бўш иш ўринлари ямаркаси ҳам ўтказилди. Унда йирик банк-молия компаниялари томонидан миқдорий ортиқ иш ўринлари таклиф этилди.

**Qishloq Qurilish Bank**

ОАТБ «Қишлоқ қурилиш банк» ўз акциядорлари ва миждозларига, жумладан, кичик бизнес ва хусусий тадбиркорлик субъектлари, пластик карточка эгалари, ҳамда омонатчиларга, уларнинг банк фаолияти билан боғлиқ масалалари юзасидан муурожаатларини тезкор қабул қилиш мақсадида қўйидаги «Ишонч телефони» (+99871) 150-10-01

ТАШКИЛ ЭТИЛГАНЛИгини МАЪЛУМ ҚИЛАДИ.

«Қишлоқ қурилиш банк» — фаровон ҳаётингиз хизматида!

e-mail: info@qqb.uz  
www.qishloqqurilishbank.uz





